

AKHBAR : KOSMO!

MUKA SURAT : 8

TARIKH : 26 FEBRUARI 2023

HARI : AHAD

SENTIMEN : POSITIF



Insentif PTPTN ringankan beban peminjam

PETALING JAYA – Insentif kepada peminjam Perbadanan Tabung Pendidikan Tinggi Nasional (PTPTN) yang diumumkan Perdana Menteri, Datuk Seri Anwar Ibrahim pada Belanjawan 2023 kelmarin berupaya meringankan beban kewangan mereka yang terkesan.

PTPTN dalam kenyataan berkata, insentif tersebut melibatkan diskaun bayaran balik pinjaman PTPTN sehingga 20 peratus selama tiga bulan bermula 1 Mac 2023.

Katanya, perbadanan itu juga menyambut baik inisiatif penanguhan bayaran balik kepada peminjam berpendapatan bulanan RM1,800 ke bawah untuk tempoh enam bulan dengan permohonan penanguhan boleh dibuat mulai 1 Mac 2023.

"Inisiatif ini menunjukkan keprihatin kerajaan dalam keadaan ekonomi yang mencahar pada masa ini sekali gus meringankan beban kewangan peminjam yang terkesan. Justeru, pelaksanaan inisiatif ini akan dimaklumkan dalam masa terdekat.

"PTPTN sebagai sebuah agensi di bawah Kementerian Pendidikan Tinggi sentiasa komited dan bersedia untuk membantu peminjam selaras dengan inisiatif kerajaan yang telah diumumkan melalui Belanjawan 2023," katanya dalam kenyataan semalam.

Mengulas lanjut, peminjam PTPTN boleh membuat sebarang pertanyaan dengan melayari portal rasmi PTPTN di www.ptptn.gov.my atau menghubungi PTPTN.

Saluran yang boleh dihubungi seperti Careline PTPTN di **03-2193 3000** (beroperasi Isnin hingga Jumaat, pukul 9 pagi hingga 5 petang), live chat di www.ptptn.gov.my, e-Aduan di <https://eaduan.ptptn.gov.my/>, Eksekutif Pemasaran PTPTN di <https://www.ptptn.gov.my/hubungi-ptptn> atau media sosial rasmi Perbadanan Tabung Pendidikan Tinggi Nasional.